



4


Dudu yo o Leswe

Go itshola o le phepa e bile o itekanetse



Dudu o batla go tshameka ka mpopi wa gagwe.
O kae tota?
A o ka fa tlase ga bolao?
A o ka fa morago ga garetene?
A o fa godimo ga šelofo ya dibuka?
A kgotsa o mo teng ga khaboto?
"MME" Dudu a lela a re,
"Palesa mpopi wa me o siile gape!"






Mmaagwe a re, "Dudu o dirang, bona gore go tlhakatlhakane jang fano. Ke lone lebaka la go bo o sa bone Palesa. Putha dilo tseno mosetsanyana ke wena yo o leswe!"
Dudu o paka diboloko tsa gagwe mo lebokosong la ditshamekisa-bana.

O paka dibuka tsa gagwe mo shelofong ya dibuka.

Mme labofelo, Dudu o tsenya diaparo tsotlhe tsa gagwe tse di leswe mo serotong sa go tlatswa diaparo.

Ijoo-ijoo! Bona fa o iphitlhileng gone!





Lele a goa ka boitumelo a re, "Hei Palesa.
Tlaya re tle go tshameka!"
Mmaagwe Lele a re, "Heelang lona, basetsanyana
ke lona, lo ka se tswe lo lebega jaana!"
Lele o tlhapa sefatlhego le diatla.
O tlhapisa Palesa ka fa morago ga ditsebe.
O ba tlhapisa meno.

Ba bo ba tswa ba ya go tshameka le ditsala tsa bone.
Mamaagwe Dudu o tsholetsa
letsogo go ba tsamaisa sentle a bo a nyenya.

